

الهدى

س ١ ١٣٣٠

أتبعون اهدكم سبيل الرشاد

والله يهدي من يشاء الى صراط مستقيم ديني ، علمي ، ادبي ، سياسي هفته لوق مجموعة اسلاميه در

صاحب و مدير مسئول : ع . اشرف اديب

جلد ١ - ٨

١٤ حزيران ١٣٢٨

پنجشنبه

١٢ رجب ١٣٣٠

عدد ١٧ - ١٩٩

اجتماع عیسی

فہمینیستلرک نظر کاہ نصابہ

— ۴ —

« تورکر دولترنی تمامیلہ اسلامیہ مدیوندر »

- لامارتین -

لامارتین ، دنیاک اوج بویوک دینی اولان موسویت ، عیسویت و اسلامیہ شرقک مہد ظہور اولمسنده کی حکمتی وجدانندن صور بیور ، وشو جوابی آلیور : « شرق : مطلع انوار فیوضات الہیہ ومہبط الہامات ربانیہ در . جناب حق نصف کرہ شرقینک بوصاف محیطی ، بواطیف آفاقی معکس انوار حجابی بویورمش . انسانیتہ بخشایش صمدانیہ سی اولان مواہب ازلیہ سنک قسم اعظمی اقوام شرقیہ ، انسانلرک بویوک قاردشربنہ تخصیص قیلمش . بزغر بلیلر بوندہ کی اسباب خفیہ بی جناب حقندن سؤالہ حقمرز یوقدر . حدیمز دکلددر . جناب حق رأیندہ مختار ، ارادہ سندنہ مستقلدر .

شرق انسانلرنی وبالخاصہ عربلری فیاض بر عقل و ادراک ، جوال برزکا ایلہ مغبوط الانام و محسود الاقوام بولورز .

عربلر ، بلوطسز ، براق ، ییلدیزلری شمشعدار برسمای لاجوردی آلتندہ ، کلفت معیشتدن آزادہ ، ساکن وساکت برحیات سادہ ایچندہ یاشارلر . مادیاتدن زیادہ معنویاتہ التفات ایدرلر . روحانیت عالملرینہ دالوب کیدرلر .

آنحجق دیدہ بصیرتہ کورولہ بیلن معنوی جہانلر ، دھوتی کسورلر کشف ایدرلر . عربلرک بوعلویت تفکرلری ، بوعظمت تصورلری (علم ہیئت روح) اطلاقہ سزادر .

روحاً عوالم علویہ بہ اعتلا ، جہان ملکوتی سیروتماش ، جستجوی کبریا ، تجمید خدا ، تمجید نموت واسما عربلرہ خاص برفضیلت خلقت ، برکرامت فطرندر .

بز ، بارد براقلم ایچندہ ، کشیف بلوطلرہ مستور برطبقہ سماویہ آلتندہ درد معیشتہ لاینقطع جالشمغہ و تعب جسمانیزی تسکین ایتمک ایچین فضلہ جہ اویمغہ مجبورز . ایشته بومشکل طرزحیات بز معنویات و تفکرآندن منع ایدیور .

مادیات ایچندہ بوغولمش بی تاب برروح کسوء ناسوتیتندن سیلکینوب عوالم لاهوتیہ بہ پرواز ایدہ مزسہ معذوردر .

بز غربلیر بو عالی فکرت قومہ صاقین نظر استخفاف ایلہ باقایلیم ! زیرا جناب خالق کائناتی بزہ اونلر کشف ایتدیلر .

ایشته غربک بومستثنا رجل بالغتک ، بوشاذ انسان کاملنک ، بو

- ملیوندہ بز- عقل معالی پرورینک شرقہ واقوام شرقیہ بہ وبالخاصہ عربلرہ دائر روخندن ترشح ایدن مطالعات حکیمانہ واعترافات حق پرستانہ سی !

ذره قدر حسہ ، ادراک ، وجدانہ مالک برانسان - خصوصیلہ اسلامیت دعواسندن بولونان برانسان - ایچین بو برقاچ سطرارق سوز نہ بویوک برکتاب حکمت ، نہ مؤثر ، نہ انتباہ آور بزدرس عبرتدر !

ام المؤمنین حضرت عائشہ دن مرویدر کہ بتون قبائل عرب عرفہ کونی عرفات وقفہ سندنہ حاضر بولور ، بالکز قریش واتباعی حرم شریف داخلندہ بولنان مزدلفہ وقفہ سیلہ اکتفا ایدیورلردی . ایشته بونک اوزربنہ « ثم افیضوا من حیث افاض الناس ... » آیت کریمہ سی نازل اولہرق او عادت جاہلیہ رفع ایدلمشدر .

معلوم اولدینی اوزرہ عربلر زمان جاہلیتہ مناسک حجی اکل ایتدکن صوکرمانہ اجتماع ایدر . ہرقیلہ ، ہرکس دیکلک دوندیکی قدر منشور و منظوم اولہرق ابا واجدادینک خاطرینی یاد ایدرلردی . دین مبین اسلامہ کلنجہ بوعادت جاہلیہ قالدیریلہرق یرینہ ذکر الہینک ودعائک اقامہ سی ضمنندہ :

« فاذا قضیت مناسککم فاذکرو اللہ کذکرکم آبائکم اواشد ذکراً فمن الناس من یقول ربنا آتانا فی الدنیا ومالہ فی الآخرہ من خلاق ومنہم من یقول ربنا آتانا فی الدنیا حسنہ و فی الآخرہ حسنہ وقنا عذاب النار » آیت کریمہ سی نازل اولمشدر .

* *

متعدد طریقلر ایلہ ورود ایدن آثار مختلفہ دن مستیان اولدیغہ کورہ بعض اصحاب کرام طواف حقندہ نزول ایدن آیت کریمہ دہ سعیک مسکوت عنہ بیراقلمسیلہ برابر ، اسکی عادت جاہلیہ لرینہ تشبہ اولہ جغنی در خاطر ایدرک ، صفا ایلہ مروہ آراسندنہ سعی ایلمک خصوصندہ دوچار شہہ اولمشردی .

« ان الصفا والمروۃ من شعائر اللہ فمن حج البیت واعتمر فلاجناح علیہ ان یطوف بہما ومن تطوع خیراً فان اللہ شاکر علیم . »

آیت کریمہ سی نازل اولمشدر . بو آیتدن صفا ایلہ مروہ نک مناسک حج ایچون وضع اولنان نشان و علامتلر جملہ سندن اولوب حج وعمرہ ایدنلر ایچون بولر آراسندنہ سعی وطوافک مشروعیتی آکلاشیلور .

ابن زبیر عمروہ رضی اللہ عنہ « ان لصفاء المروۃ ... » آیت کریمہ سندنہ « فلاجناح علیہ ان یطوف بہما » جملہ سندن سعیک فعلی کبی ، ترکی جہتندہ دہ برجناح اولدیجغنی دوشونہ رک بوجہتی تیزہ سی

حضرت عائشہ بہ عرض ایتمش ایدی . فقط ام المؤمنین ، عمروہ نک مطالعہ سنی تصویب ایتدی و دیدی ، کہ : « بومسئلہ نک سنک آکلادیغک کبی اولماسی ایچون آیت کریمہ نک « لاجناح ان لایتطوف بہما »

صورتندہ نزولی لازم کلیددی « دیدی . بونی متعاقب آیت کریمہ نک سبب نزولنی بیانندن صوکرمانہ سوزلرینی : « وقد سن رسول اللہ صلی اللہ علیہ وسلم الطواف بینہما ولیس لاحدان یترک الطواف بینہما »

جملہ لریلہ بتیردیلر .

بو حدیث شریفہ کورہ سعیک آنحجق اباحت درجہ سندنہ کی بر مشروعیت ایلہ قلمایوب ہر حالہ مسنونیت ، یا خود وجوب کبی طرف فعلی راجح بولنک بر مشروعیت ایلہ متصف اولدینی آکلاشیلور . ذاتاً آیت کریمہ دہ صفا ایلہ مروہ نک « شعائر اللہ » دن معدود اولمسی دہ بوکا

دلالت ایدر .

حلیم ثابت

انسانیه اولان اسلامیتنه عاشق! شرق ده غربك مدنیت ماده سنه ،
نیش مذهبه ، هیكل بی روحنه ، وبای اخلاقسنه ، طاعون اجتماعسنه
مفتون! سانکه مبادله ادیان! افسوس... حقیقت خیاله قربان!
« أولئك الذين اشتروا الضلالة بالهدى فارجح تجارتهم وما كانوا
مهتدين - مجرد شوکت و سطوت اسلامیه قورقوسندن یاریم آغزله
« آمانا . بزده ایمان ایتدیک . مسلمانز » دینن وقابندن شدتلی برکین ،
چیلغین برخصومت بسلمین منافقلمر ، عقل سلیم ایله استهزا ایدن او
سفیهلمر ، او احقلمر ، او ابلهلمردر ، که نقد زرین هدایتله کالای (!)
ضلالت صاتین آلدیلر .

کوزلری ثوننده کعبه سعاده کورتورن غایت کنیش برسیل الرشادی
براقوب فلاکت اوچوروملرینه منتهی اولان برره نارقیه کیردیلر .
اونلر بیلمش اولسونلر ، که بوسوق شیطانیده اومدقلری قازانچ ؛ متاع
خذلان وخسراندن عبارتدر . اونلر زمره مهتدین دن دکلدلر . اونلر
سراد اعظمین ، اومحترم جماعتدن آیرلدیلر . برفته ذلیله ، برشردمه
ضاله اولارک درک اسفل جحیمه سقوط ایتدیلر . سوره جلیله
بقره . آیه ۱۵ .

غربه نماس ایتک ، غرب مدنیتندن اقتباس فکر ترقی وتکامل
ایمک شرفی (!) کندیلرینه مال ایدن نساپون بکلردن صورابیلیرمیز؟
(استوارت میل) لرك ، (تورزون) لرك ، (امیل فاکه) لرك
فلسفه لرینی فرط خواهشله اوقودقلری قدر نیچین (لامارتین) لرك ،
(لاواله) لرك ، (قونت هازی دوفاستری) لرك تألیفات حکیمانهلرینی
مطالعه یه ، برزده بونلردن استفاضه یه تنزل ایتبورلر؟

یوقسه بونلر اسلامیتک ، مدنیت حقیقه قرآنک طرفداری ،
نناخوانی اولدقلری ایچین می ؟
لطفاً سویله سینلر! محترم قونت هازی جنابلرینک « اسلام »
نامنده کی اثر قیمتداری حقدنه کی مطالعه لری نه در؟ فقط بیلمم کوردیلر ،
اوقودیلر می ؟ اوهر حرفی بر جوهر کرانها اطلاقه سزا اولان کتاب
مستطاب اسلامیتی ومؤسس جلیل القدرینی نه قدر بی طرفانه ، نه قدر
منصفانه ، نه قدر عالمانه مدافعه ایدیور!

انسان نصل تأثر ایتمز! نصل دلخون اولماز! قونت هازی
برفرانسز ایکن لسان عربی مکملاً تحصیل ایتمش ؛ کیم بیلیر کتب
دینه مزدن قاچ یوز جلد کتاب تفسیر ، حدیث ، فقه اوقومش . نهایت
اوکوزلم اثرینی وجوده کتیرمش . نساپون بکلر مسلمان اولدقلرینی
ادعا ایلدکلری حالده عجباً قونت هازی قدر لسان عربک تحصیلنه ،
کتب دینه لرینک (!) تبغنه ، کوزل کوزل اثرلر تحریرینه نیچین بر
لزوم ، حتی بر میل وجدانی حس ایتبورلر؟ هیچ اولمزسه نیچین (اسلام)
وامثالی اسلامیت لهنده یازیش آناری ترجمیه ومهرمنیر اسلامیتک -
کونش کی واسطه یه محتاج اولمقسزین - نصل غربک آفاق وجدانی
اوزرنده نشر انوار فیوض معنویه ایتکده اولدغنی ملت اسلامیه یه
کوسترمکه تنزل ایتبورلر؟

انصاف! هر بری خورشیدلره غرق اولمش معنوی بر جهان
حقیقت اولان بوسوزلر فرانسه نك (لوار) ایالتنده (ماقون) شهرنده
دوغمش ، اسلامیه غیرقابل تسکین بر آتش غیظ و خصومتله یانمقده
اولان قاتولک مذهبی اوزرینه تربیه کورمش بر (لامارتین) ک قلمندن
دوکولیور . لامارتین دیور که :

« Les Turcs doivent leur Empire tout entier
au Prophète arabe » .

تورکلر دولترینی تمامیه ذات صفت رسالت بناهی یه مدیوندر .
بودولت وسلطنتی جناب رسول هاشمی یه اقتداری ، اهتداری
اسلامیتلری سایه سنده قازاندیلر . تورکلرک حیات میلیری ، روح
استقلاللری اسلامیتدر . تورکلر اسلامیتک قدرینی بیلسینلر . اسلامیه
دائماً مؤمن و صادق قالسینلر .

ایشته لامارتین « تورکلر دولترینی تمامیه ذات حضرت رسالت
بناهی یه مدیوندر . » دیمکله بوتیجه یی مراد ایدیور .
ایکی سطر صوکر اینه دیور که :

« L'Islamisme et la Turquie sont un même
fait » .

« اسلامیتله تورکیا عینی شیدن ، برحقیقتندن عبارتدر » یعنی :
اسلامیت تورکیادن آیریلماز . تورکیا دیناچه بلاتوقف اسلامیت خاطره
کلیر . تورکلک بوجود ایسه اسلامیت آنک روحیدر . اسلامیت
کیدنجه تورکلک بر آن یاشاماز . درحال ثولور کیدر . نه قدر دوغری
برسوز! حتی باقیکنز : هر هانکی بر مؤمن ومعتقد آناووده « ن
نه سین ؟ » دی یه صورسه کنز آلاجنگیز جواب « تورق یام الحمد لله!
یعنی : تورکم الحمد لله ! » دن عبارت اولور . آناوودک « تورکم »
دیمکدن مقصدی شبهه سزدرکه اسلامیتدر ، دین توحید و قرآندر .
یوقسه صرف ملت تقطه سندن اولسه بدیهیدرکه آناوود تورک دکلدر .
ملت وقومیت اعتباریه تورک باشقا آناوودینه باشقا . [۳]

ایشته کوریا یورکه آناوودک (تورک) لکدن مرادی ، اسلامیتدر ،
هیچ باشقا برشی دکلدر . قوجه لامارتین تورکیانک روح ملتینی نه
کوزل ، نه قدر واقفانه تدقیق ایتمش! ایکی کله ایله نه بویوک برحقیقت
افهام ایدیور!

مسلمان نام جلیل القدرینی طاشیان هر هانکی برانسان هیچ برشی
بیلمسه ده انانیتک ، عقل سلیمک زرده اولدیغنه دائر برفرانسزدن
« انسانیت سزده ، عقل سلیم سزده ، مدنیت معنویه وحقیقه سزده »
اعترافلرینی دیکلسه یه قابنده دیننه ، ملتیه بر میل محبت حس ایدر .
وجداندن برصدای تعظیم ، برزمره تکریم دیوار . اوکا قوشار ، اوکا
صاریلیر . اونکله مخاطبی اولان فرانسزه قارشلی افتخار ایدر .

سبحان الله! غرب ، شرقک انسانیتنه ، معنوتنه ، روح حقیقت
[۲] مؤمن موحد برآناوود (تورک) لکی بوبله دوشونور وئوز
قومیتندن زباده تقدیس ایدرکن ثوته ده آناوود نامی طاشیان برطاقم دین
وطن خائلیزیک آناوود مسلمانلرینی اضلال وافساده چالیشملری ایتالیا و یونانستان
مکتبلرنده آلدلری دیندزک ، کافرک درس لرندن باشقا نه در؟

وارسه بونلره مباح . هله تزویر ، افترا ، بهتان ، شتم و تحقیر بونلرک عادتلیدر . فقط یهوده مساعی ! فقط خسرا نه ، خذلانه ساعی !
نسوان اسلامک حقوق و موقع شرفی ، فریضه تستری مسائل اجتماعیة اسلامیه تک اک مهملرندن بریدر .
نسوان دنیلنجه یالکز بر ویا برقاچ عثمانلی ماداملری ، مادماواز .
للری مراد اولونمور . نسوان لفظی بوتون جهان اسلامیتک حریم ناموسنه ، بوتون مخدراتنه شامل برکله در .

مسلمان وارد ، که زوجه سندن ، کریمه سندن ، همشیره سندن ولو نسوان لفظنک ضمنی دلالتیه بختیه قطعاً تحمل ایده من . ذره قدر بیله دایاناماز . هرکس حردکلی ، حقوق شخصیه سنه تمیامیه مالک دکلی ؟ اونک حریم زوجیتی کندیسنه حیاتندن معززدر . کیمسه نک دیل اوزاتمه . سنه قائل اولماز ، اولماز . حتی بن اچمزرده بوفطرته ناموسنه غیور ، زوجه سنک سواقه چیقمسندن هیچ ده حظ ایتمز ، اغیار طرفندن کوریلوب انظار شهوت آلتنده از یلسنی ایسته من ، قولنه طاقوب کز من خرسیتیانلرده بیلیریم . بناء علیه بویه صوک درجه مهم ونازک بر مسئله اجتماعی دن بختیه فوق العاده احتیاطله داورانمق ، کیمسه نک فلنبی قیرمامق ، کندیسندن دلکیر و متفرا تمه مک لازم کلیر ظن ایدریم . شهه سزدر ، که بو ، قانون اجتماعک اک مهم ماده لرندن برینی تشکیل ایدر .

بو حقیقی تقدیر ایتوبده اولو اورتا نسوان اسلامدن صحایف مطبوعات اوزرنده بحث ایتک عادتاً هرکسک - سلمه السلام -
نهوینه دالمق ، عاتله سی ایچنه کیرمک دیمکدر .

بوکا اک لاقید برحسب ، بر غیر تسزده اولسه ینه دایاناماز ، ینه بر استیذان دخول ایستر .

(ستوارت میل) لر ، (تیرزون) لر ، (امیل فاکه) لرودها بیلیم کیملر پارسده نیم عربان ، سواقده راست کله خوشلرینه کیدن کنجلره نازکانه قوللرینی تقدیم ایدن وهرلیل سفاهتلیرینی بر آغوش شهوتده کچیرن عفت مجسمه (؟) ماداملره ، محجوب (؟) مادماوازلره مالکردن معصوم ، حوریلردن مقدس برر آلهة الروح ، برر معبوده نفس اولدقلرینی سویلیه بیلیرلر . روحاً وبدناً ، عقلاً و ذکاء و بناء علیه حقوقاً ارککلرک قات قات فوقنده اولدقلرینی اکلانا بیلیرلر . حتی قادینلرک محشم آرابالرینی ارککلره چکدیره بیلیرلر . حتی قادینلردن بر مجلس معوثان ، بر قابینه ، بر اردوده تشکیل ایده بیلیرلر . کندی مملکتلرنده ، کندی محیطلرنده نه ایسترلرسه یا یا بیلیمک اقتدارینه مالکدرلر . فقط شرقه کلوبده نسوان اسلامدن بحث ایده منزلر . هرکسک نهوینه دالوبده قادینلرینی سیر ایده منزلر . ضرب نسوانی تقلید ایتلمی درسلیرینی ویره منزلر .

محمد فخرالدین

قوت هانریلر ، محمد وهبلر ، عبدالله کویلیاملر کلسه لرده بوسواللری بالذات یوزلرینه قارشلی ایراد ایتسه لر نه جواب ویره بیلیرلر ؟ نهوت ، تنزل دکل ، حتی همت و غیرت بیله ایدیورلر ؛ اکر دو قوتور دوزی کبی بر اسلامیت و انسانیت دشمنک غرضکار تاریخی اولورسه ... !
نسل آتیزی زهرلیه جک ، اسلامیتدن تبرید و تنفیر ایده جک - فاضل برهولاندا قلمیه ، درین بر امان نظرله یازیش ؛ ! - هذیانلر ، دناتلر اولورسه ... !

فقط بو ؛ دین فطریدر . قانون انسانیتدر . دستور مدنیتدر . بوتون جهان خلقی ، بوتون شیاطین انس و جن دو قوتور دوزی به یاردم ایتسه ینه او الله کونشی سوندورمه که مقتدر اولماز . تسممه مستعد و برقاچ معلول الوجدان ، برقاچ مفقود الایمان او هذیاننامه بی حرز جان ایتکه اسلامیت تمز ، مسامانلق تولمز .

« یریدون لیطفوا نورالله بافواهم والله تم نوره ولو کره الکافرون - او اسلامیت دشمنلری اللهم نورینی آغزلیله سوندورمک ایستبورلر و بوتون قوتلریله چالیشیورلر . فقط یهوده . الله ، نورینی - اونلرک بوتون مساعیلرینه رغماً - برقاتدها فروزان ایتکده ، خورشید اسلامیه دهها زیاده تاب وفر ویرمکده . ولو که منکرلرینک خوشنه کیتمه مش ؛ ولو که اونلر غیظ و تهورلری ایچنده چیلدیرمش ، قودورمش . ذره قدر اهمیتلری یوق . سوره جلیله صف . آیه ۸ » جناب حق بر (دوزی) به مقابل - ینه ایچلرندن - بیک هانری دو قاستری یاراتیر ؛ دینی مدافعه ایتدیریر . ارباب عقل و وجدان نظرنده (دوزی) یی عونه سیله برابر تشهیر و تریذیل ایتدیریر .

انسان حق و حقیقته قارشلی قولقلرینی طیقادیقندن ، دوعری سوزی دیکله مه مک ایچین شیطان ایله عهد و میثاق ایلدیکدن صوکره کوزلری توننده بیک کونش دوعسه ینه جهان قرانلق ! نور حقیقتک بر ذره سی یوق !!

وتنکرالعین ضوء الشمس من رمد
وتنکرالضم طعم الماء من سقم

آغز یقلی برکوز هیچ کونشک نورینی ایسترمی ؟ خسته لقلی بر آغزه آب کوثر بیله ینه آچی کلیر . ینه صورتاتی اکشیتدیریر . سن ایسترسه - بر دکل - بیک آیت اوقو ! بیک حجت کتیر ! بیک کره صوصدیر ! ینه نافله .

ذات اقدس جناب رسالت پناه اعظمی قرآن حکیمی ترتیل و تلاوت بو یوریرکن مشرکار قولقلرینی طیقارلر و کال نفرت واستکره ایله آرقه لرینی چویروب قاچارلردی . اباطیل خرافات و اساطیر و همیاته ایسه - بالعکس - جان ویریرلر ، دیکله مکه دو یامازلردی .

انسانلر حقندن نفرتده ، باطله محبتده دائماً برا کثرت تشکیل ایده کلشدرلر . ایشلری ، کوجلری متماًدیاً حق ایله ، ارباب حق ایله چاریشمق ، معبوده بطلانلرینه اونلری ده جبراً و فکر آسجده ایتدیرمک . مقصدلرینه وصول ایچین دنیا ده نه قادر فنانق ، نه قادر جنایت